

Na osnovu člana 90. Zakona o javnim nabavama BiH („Službeni glasnik BiH“, br. 39/14, 90/14, 96/14, 97/14, 103/14 i 104/14) i člana 7. stav (1) tačka b) Pravilnika o postupku direktnog sporazuma BiH („Službeni glasnik BiH“, br. 90/14),

1. **"LIBE" D.O.O. SARAJEVO - HADŽIĆI**, Hadželi bb, 71240 Hadžići, identifikacioni broj: 4201857590007 zastupan po direktoru Mahiru Alađuzu s jedne strane (u daljnjem tekstu: dobavljač)
2. **JU OSNOVNA ŠKOLA „HADŽIĆI“ HADŽIĆI** Hadželi bb, 71240 Hadžići, identifikacioni broj: 4202256020005 zastupana po direktorici Đenani Alispahić s druge strane (u daljnjem tekstu: ugovorni organ),

zaključili su dana 29.12.2017. godine

U G O V O R

O NABAVCI TONERA

Član 1.

Predmet ovog Ugovora je nabavka i isporuka tonera na osnovu prihvaćene Ponude/Predračuna Libe d.o.o Sarajevo broj: 000035 od 28.12.2017. godine koja je sastavni dio ovog Ugovora i Odluke o direktnom sporazumu broj: 1246/2017 od 29.12.2017. godine.

Član 2.

Vrijednost ove nabavke iznosi **1.999,34 KM** (slovima: jednahiljadadevetstotinadevedesetdevet i 34/100 konvertibilnih maraka) sa PDV-om.

Dobavljač se obavezuje da će tonere isporučiti ugovornom organu u roku od 30 (trideset) dana od dana potpisivanja ovog ugovora.

Ugovorni organ je dužan isplatiti cijenu u iznosu navedenom u stavu (1) ovog člana u roku od 15 (petnaest) dana od dana prijema ispravno ispostavljenje fakture.

Dobavljač je dužan isporučiti tonere u ispravnom stanju na adresu: JU Osnovna škola „Hadžići“, Hadželi bb, 71240 Hadžići i garantovati za njihovu funkcionalnost 12 mjeseci od dana isporuke.

Troškove isporuke kao i one troškove koji prethode isporuci snosi dobavljač.

Član 3.

Do isporuke tonera rizik slučajne propasti ili oštećenja istih snosi dobavljač.

Isporukom tonera rizik prelazi na ugovorni organ.

Rizik ne prelazi na ugovorni organ ako je on zbog nedostatka isporučenih tonera raskinuo ugovor ili tražio njihovu zamjenu.

Ako isporuka tonera nije izvršena zbog zakašnjenja dobavljača, rizik prelazi na dobavljača u trenutku kada je pao u zakašnjenje.

Član 4.

Sporazumom ugovornih strana utvrđuje se da će dobavljač putem vršioca kontrole izvršiti stručnu i nepristrasnu kontrolu tonera.

Kontrola tonera će se sastojati u utvrđivanju njihovog identiteta, kvalitete i drugih svojstava.

Član 5.

Dobavljač odgovara za materijalne nedostatke tonera u periodu od 12 mjeseci od dana njihove isporuke.

Materijalni nedostaci na tonerima postoje:

- ako toneri nemaju potrebna svojstva za njihovu redovnu upotrebu,
- ako toneri nemaju svojstva i odlike koje su izričito ili prešutno ugovorene, odnosno propisane,
- ako je dobavljač isporučio tonere koji nisu odgovarajući uzorku ili modelu, osim ako je uzorak ili model pokazan samo radi obavještenja.

Član 6.

Ugovorne strane su saglasne i prihvaćaju da za sve ono što nije u ovom ugovoru predviđeno, važe propisi iz Zakona o obligacionim odnosima.

Član 7.

Ugovorne strane se obavezuju eventualne sporove riješiti mirnim putem, ukoliko to nije moguće ugovaraju nadležnost suda u Sarajevu.

Član 8.

Ovaj ugovor je sačinjen u 2 (dva) istovjetna primjerka od kojih svaka strana zadržava po 1 (jedan) primjerak.

Član 9.

Ugovorne strane primaju prava i obveze iz ovog Ugovora, te ga u znak toga potpisuju.

DOBAVLJAČ

/Mahir Alađuz /

Broj: _____

Datum: _____

UGOVORNI ORGAN

/Đenana Alispahić, prof./

Broj:1246-1/2017

Datum: 29.12.2017. godine